



*Unsere Schulen und
ihre besten Ideen*

6. fachowy dzeń 2plus

16. awgusta 2023

Cyłodnjowske zarjadowanje w Němsko-serbskim šulskim kompleksu Slepó

PROGRAM*¹

- wot 09.00 hodź.** **přijězd | přijěće**
moderacija: Beno Bělk
- 09.30 hodź.** **witanje***
Kerstin Wittig | Sakske statne ministerstwo za kultus
- 09.40 hodź.** **předstajenje šulskeho centruma**
Petra Rübesamowa | Jan Hrjehor | Wolfgang Goldstein | Zakładna a Wyša
šula „Dr. Marja Grólmusec“ Slepó
- přednoški w forumje:
- 10.15 – 11.00 hodź.** **Wuslědki zwěšćenja rěčneho stawa w serbšćinje na 2plus-šulach**
dr. Jana Šotćina | Serbski institut
- Ewaluacija koncepta 2plus wopřija tež zwěšćenje rěčneho stawa we 8. lětniku. Přepytuje so rěčny staw šulerkow a šulerjow 8. lětnikow w serbšćinje a docpěće niwowoweho schodženka B1 po ZER. W přednošku předstaja so koncept, metodika kaž tež wubrane wuslědki zwěšćenja rěčneho stawa, kotrež je so w pilotowej fazy přewjedło.
- 11.00 – 11.45 hodź.** **Ewaluacija koncepta 2plus w přehledze**
prof. Jonas Flöter | uniwersita Lipsk*
- Naprašowanja k šulskim ramikowym wuměńjenjam přesadženja koncepta 2plus tworja stołp koncepta ewaluacije. K tomu naprašuja so šulerki a šulerjo, wučerki a wučerjo, starši, šulske koordinatorki a šulscy koordinatorjo, šulske wjednicy a šulscy nawodža, fachowe poradźowarki a fachowi poradźowarjo

¹ * Tute programowe dypki su němsko- abo dwurěčne. Móžne změny programa so na internetowej stronje www.forum2plus.de a na dalšich pučach wozjewja.

kaž tež sobudźělačerki a sobudźělačerjo LaSuB. We wobłuku prezentacije předstaja so struktura a metodika naprašowanjow kaž tež zaměry naprašowanje přewodzacych interviewow.

- 11.45 – 12.30 hodź.** wobjedowa přestawka a natwar wikow móžnosćow
- 12.30 – 13.15 hodź.** **Šulerstwo z 18 pochadnymi rěčemi a multiprofesionelny team ***
Heidrun Schönwälder | Zakładna šula „Frédéric-Joliot-Curie“ Budyšin
- 13.15 – 14.30 hodź.** **Wiki móžnosćow** – hlej slědowacy přehlad dotal zapodatych přinoškow

přinošk	referenća
<p>Tematiske wobłuki w formje modulow Wot šulskeho lěta 2019/2020 so na Serbskim gymnaziju Budyšin we wšelakich lětnikach někotre tematiske wobłuki w formje modulow wuwučuja. Šulerci a šulerjo zaběraja so potajkim přez wjacore dny předmjety zwjazuju z temu, přez což so lěpši počah k wšědnemu dnjej twori a diferencowany wid na wučbne wobsahi zmóžnja. Připódlu so wšelake metody nałožuja a kompetency na socialnym polu kaž tež při samoorganizowanym wuknjenu so spěchuja.</p>	<p>Sylwija Šěnowa Metod Šoŭta Serbski gymnazij Budyšin</p> <p>Sylwija Šěnowa je wučerka za biologiju a serbšćinu na Serbskim gymnaziju Budyšin a fachowa poradźowarka serbšćiny Metod Šoŭta je wučer za biologiju a serbšćinu na Serbskim gymnaziju Budyšin.</p>
<p>Swjedžeń serbskeje rěče w zhromadnym džěle ze serbskimi towarstwami a institucijemi na zakładnej šuli „Dr. Marja Grólmusec“ Slepo Naša šula přewjeduje tradicionalnje mjeztym 20 lět kóžde druhe lěto swjedžeń serbskeje rěče. Zaměr swjedženja je, zo wšitke džěci na tutym wosebitym dnju na mnohotne wašnje serbsku rěč nałožuja a so ze serbskimi spěwami a rejemi zaběraja. Dokelž naše džěci zwjetša jenož w šuli ze serbskej rěču do kontakta přińdu, zapřijamy bliske serbske towarstwa. Tak chcemy zajim na tutych towarstwach budzić a towarstwa móža so prezentować.</p>	<p>Sylvia Seitzowa Zakładna šula „Dr. Marja Grólmusec“ Slepo</p> <p>Sylvia Seitzowa je wučerka a šulska koordinatorka 2plus na Zakładnej šuli „Dr. Marja Grólmusec“ Slepo.</p>
<p>„Přestawki z pohibom“ na Zakładnej šuli „Dr. Marja Grólmusec“ Slepo Naša zakładna šula spěchuje aktiwnje pohibowanje šulerkow a šulerjow. We wobłuku certifikacije jako „Pohibowanska šula“ smy pohibowanske karty za wjace pohibowanja w přestawkach wuwili. Petra Rübesamowa předstaji k tomu material, kotryž bu we wobłuku „Pohibowanskeje zakładneje šule“ wuwity.</p>	<p>Petra Rübesamowa Zakładna šula „Dr. Marja Grólmusec“ Slepo</p> <p>Petra Rübesamowa je šulska nawodnica Zakładneje šule "Dr. Marja Grólmusec" Slepo.</p>

<p>Wobchad z wysokim podžělom šulerkow a šulerjow rěčneju skupinow 2 a 3 – wužiwanje zwonkašulskich wuknjenskich městnow jako žiwe wudospołnjenje k wučbje serbsčiny</p> <p>Wučba serbsčiny nic w rjadowniskim cyłku – to je znamjo jónkrótnosće na Wyšej šuli „Korla Awgust Kocor“ w Kulowje. Wot něhdže 300 šulerkow a šulerjow wobdžěli so něhdže 50 (rozdžělene na wšitke lětniki) na wučbje serbsčiny. Tole woznamjenja wužadanje za planowanje, za wučerki a wučerjow w koncepcje 2plus ale tež za wobdžělene šulerki a wobdžělenych šulerjow.</p> <p>Motiwacija a kreatiwnje ideje su trěbne, zo bychu so šulerki a šulerjo za wučbu w nakromnych hodžinach zahorjeli a hač k zakónčenju wjedli. Namakanje identity a skrućenje identity stej za wobdžělene šulerki a wobdžělenych šulerjow na koncepcje 2plus při tym njeparujomnej, wšako móže so kolegialna wuměna na zakładze wobstajaceho wobłuka jenož zdžěla wotměć.</p> <p>Tak maja so zwonkašulske wuknjenske městna jako žiwe wudospołnjenje serbskeje wučby zrozumić. Wone dadža šulerki a šulerjow w srjedžišču stać, skrućeja serbske wědomje a maja identitu posrědkujo skutkować. Tež dopóznaće, zo nałožuje so serbska rěč we wšědnym dnju, je za tute šulerstwo husto powučne dopóznaće. Nawuknjenje serbskeje rěče so jako wosobinske wobohaćenje začuwa.</p>	<p>Susanna Rečelina Wyša šula „Korla Awgust Kocor“ Kulow</p> <p>Susanna Rečelina skutkuje wot šulskeho lěta 2017/2018 jako wučerka na Wyšej šuli „Korla Awgust Kocor“ w Kulowje. Wona podawa předmjety serbsčina, TC a WTH a je wot šulskeho lěta 2022/2023 tež rjadowniska wučerka 5., přichodnje 6. lětnika. We wobłuku wukubłanja přidružnikow je powołaanje přewodžacy studij we WTH absolwowała a wuspěšnje zakónčiła.</p>
<p>Rozprawa wo dźiwadłowym projekće „Mały bojzliwcy“</p>	<p>Ines Kirstein Zakładna šula "Handrij Zejler" Wojerecy</p> <p>Ines Kirstein je wučerka na Zakładnej šuli "Handrij Zejler" we Wojerecach.</p>
<p>Taskcards za wuměnu přihotow na wučbu</p> <p>Taskcards.de je online-platforma, kotraž móže wučerkam a wučerjam džěto jara wolóžić, wona zmóžnja zhromadne džěto na digitalnych pinscěnach a podpěra wuměnu informacijow w teamach. Hižo dotho přeja sej serbske wučerki a serbscy wučerjo platformu, na kotrejž móža sej přihoty na wučbu wzajomnje k dispoziciji stajec a dale wobdžělać.</p> <p>Skupina wučerkow a wučerjow zakładneje šule je nětko iniciatiwu přewzała a hižo někotre materialije na přenjeju pinscěnje za předmjet serbsčiny přewostajita.</p> <p>Licenca Rěčneho centruma WITAJ skića wšitkim serbskim wučerkam a wučerjam móžnosć, pinscěny za dalše předmjety a lětniki wužiwać.</p> <p>Kak móža nowe skupiny při tym hromadze džělać, rozjimuje so na fachowym dnju 2plus.</p>	<p>Annett Džědžikowa dr. Beata Brězanowa Rěčny centrum WITAJ</p> <p>Annett Džědžikowa je wot lěta 2006 wotrjadnica lektorata za pedagogisku literaturu w Rěčnym centrumje WITAJ. Praktiske nazhonjenja nazběra jako wučerka w zakładnymaj šulomaj Radwor a Rakecy, po tym jako lektorka za pedagogisku literaturu. Wjele lět skutkuje aktiwnje jako awtorka při wuwowanju wučbnych materialijow.</p> <p>Dr. Beata Brězanowa je wot lěta 2009 nawodnica Rěčneho centruma WITAJ. Do toho skutkowaše jako swobodna wučerka na fachowych šulach za socialnistwo a wuwučowaše psychologiju, sociologiju, pedagogiku a komunikaciju. W rěčnym centrumje koncentruje so wona na procesy digitalizacije a wědomostny diskurs k wuwučowanju a wuknjenju.</p>

<p>Džěto na šulskim programje Přesadjenje a akceptanca koncepta 2plus žada sej wot wšitkich wobdžělenych zrozumjenje a fachowsku kompetencu. Přez jasne wupokazanje zaměrow k přesadženju koncepta a přez transparencu postupowanja móža so kontrowersy wobenć a dobra baza k rjadowanju serbskeje wučby, dwurěčneje komunikacije a rěčneho dalewuwića móže so wutworić. Jasne pomjenowanje zaměra w šulskim programje zmóžni wotewrjeny diskurs a skutkowne přesadjenje koncepta, přiměrjene na individualne wobstejnosće wotpowědneje serbskeje šule.</p>	<p>Diana Šotćina Stefan Wjeńka Serbska wyša šula „Michał Hórnik“ Worklecy</p> <p>Diana Šotćina je wjednica Serbskeje wyšeje šule „Michał Hórnik“ Worklecy. Stefan Wjeńka je wučer za serbšćinu a sport na Serbskej wyšej šuli „Michał Hórnik“ Worklecy. Wot 2021 je wón koordinator koncepta 2plus na šuli.</p>
<p>Sluchopisak, naš pomocnik „Njemóžemy našemu džěsću doma při wuknjenju serbšćiny pomhać. Wurjekowanje je jara ćežke. Njeje nchtó w našej swójbje, kiž móže pomhać. Smy přežadani. To njemóžeće nam a našemu džěsću naćinić.“ Kak móže to tola hić, pokazamy na někotrych přikładach z praksy. Analogny digitalny sluchopisak je wšědny wuknjenski pomocnik znutřka a zwonka kubtanišća. Ludwig Eckert a Marcel Rjelka pokazataj w džěłarničce Slepjansku ideju.</p>	<p>Ludwig Eckert Marcel Rjelka Wyša šula Slep</p> <p>Ludwig Eckert je wukubłany wučer za gymnazij za předmjetaj serbšćinu a čěšćinu. Wón je na wyšej šuli w Slepom hižo serbsku 2plus-rjadownju wuspěšnje k zakónčenju wjedł. Dale je wón na Slepjanskim kubtanišću koordinator 2plus. Ludwig Eckert wuwučuje w předmjetach serbšćina, stawizny a wot šulskeho lěta 2023/2024 tež w předmjeće čěšćina. Marcel Rjelka je wukubłany wučer wyšeje šule za předmjetaj towaršnowěda a geografija. Tež wón je na wyšej šuli w Slepom hižo serbsku 2plus-rjadownju wuspěšnje k zakónčenju wjedł. Marcel Rjelka wuwučuje w Slepom w horjeka mjenowanymaj předmjetomaj a w předmjetach serbšćina, stawizny a sport.</p>
<p>Regionalne powołanske wiki na Serbskej wyšej šuli Ralbicy Šulske wuwice kóžděje šulerki a kóžděho šulerja ma zaměr, fundament za dalši žiwjenski puć tworjeć. Hač wukubłanje, fachowa matura abo pozdžiši studij, puće k powołanju su mnohostronske. Eksistuje šansa na powołanje w bliskosći resp. w dwurěčneje domiznje? Regionalne powołanske wiki Ralbičanskeje šule maja šulerkam a šulerjam runje tute perspektiwu wuwědomić. W džěłarničce prezentujemoj zajimowanym wobsahi dwurěčnych powołanskich wikow, zaměry a wotběhi. Zdobom předstajimoj zhromadne džěto z wobdžělenymi a wuslědkami ewaluacije.</p>	<p>Matijas Klimank Michał Wowčer Serbska wyša šula Ralbicy</p> <p>Matijas Klimank je wučer na Serbskej wyšej šuli Ralbicy. Wón wuwučuje w předmjetomaj towaršnowěda a zemjepis. Michał Wowčer je wučer a 2plus-koordinator na Serbskej wyšej šuli Ralbicy. Wón wuwučuje w předmjetomaj biologija a serbšćina.</p>
<p>Bilingualny komunikaciski srědk – dženik na Serbskej wyšej šuli Radwor W džěłarničce so interny dženik Serbskeje wyšeje šule Radwor předstaji. Wón słuži jako najwažniši komunikaciski srědk mjez šulu a staršimi. Nimo toho wobsahuje wšitko, štož šulerki a šulerjo za wšědny dzeń trjebaja.</p>	<p>Sabina Jurencowa Serbska wyša šula „Dr. Marja Grólmusec“ Radwor</p> <p>Sabina Jurencowa skutkuje wot šulskeho lěta 2017/2018 jako wučerka za serbšćinu, rušćinu a jendželšćinu na Serbskej wyšej šuli w Radworju. Wona je šulska koordinatorka 2plus a koordinuje nimo toho wuwice nadawkow za olympiadu serbskeje rěče.</p>

<p>Představenje mapy zeznawanskeje džěłarnički Mapa zeznawanskeje džěłarnički je myslena za džěłto ze šulskimi nowačkami w přėnimaj tydženjomaj wučby. W tutym času stwori sej wučerka abo wučer přehlad wo kmanosćach šulerkow a šulerjow. Mapa skići wulki wuběr džěłowych łopjenow a džěłowych idejow, kotrež wučerjej wolóža, individualnje a diferencowane ze šulerjom džěłać.</p>	<p>Franciska Rachelina Serbska zakładna šula Ralbicy</p> <p>Franciska Rachelina je wot 1997 w šulskej službje a skutkuje jako wučerka zakładneje šule kaž tež koordinatorka 2plus na Serbskej zakładnej šuli Ralbicy. Wona wuwučuje w předmjetach serbsčina, němčina, wěcna wučba, matematika a hudźba. Zhromadnje z dalšej wučerku nawjeduje wona kulturnu skupinu šule.</p>
<p>Nowe medije w zakładnej šuli Zdžěłanje STOP-motion-wideja jako wujasnjowanski film za słowne družiny a k wuhotowanju nakupowanskeje situacije. Šulerki a šulerjo zeznaja nowe medije w němčinje resp. wučbje serbsčiny. Woni wužiwa stop-motion app, zo bychu swoju wědu skrućili a druhim móžnosć dali, wědu wobnowić. Při tym zeznaja sami wotběhi, z kotrymiž móža pozdžišo swójske wideja zestajeć. Referentce pokazatej přeběh k zestajenju wideja a rozložujetej, w kotrych kročelach su při džěle ze skupinu šulerkow a šulerjow postupowali. Při tym hraje přihot runje tak wažnu rólu kaž ewaluacija a sebjeposudžowanje.</p>	<p>Angela Rynčowa Hilžbjeta Kandtowa Serbska zakładna šula „Dr. Marja Grólmusec“ Radwor</p> <p>Angela Rynčowa je nawodnica Serbskeje zakładneje šule Radwor. Wona wuwučuje přewažnje w předmjetomaj jendželščina a serbsčina (w rěčnymaj skupinomaj 2 a 3). Hilžbjeta Kandtowa skutkuje jako přidružnica na serbskej zakładnej šuli w Radworju a je přidatnu kwalifikaciju zakónčiła. Wona je tuchwilu rjadowniska wučerka 3. lětnika, kotryž bu serbsce alfabetizowany. Wona wuwučuje přewažnje w předmjetach rěč, matematika, wuměłstwo a hudźba.</p>
<p>Ewaluacija w pěstowarni W džěłarničce předstaji so ewaluacija w pěstowarni, kotraž so kóžde lěto wot Serbskeje zakładneje šule Worklecy přewjedže. Čežišća přednoška su mjez druhim hospitacije w pěstowarni, rěčne přepytowanja a materialije, kiž so při ewaluaciji wužiwa. Pokaza so nimo toho, kak so wuslědki ewaluacije dokumentuja. Kónc prezentacije wěnuje so tematisce předšuli.</p>	<p>Borbora Bukowa Sabina Hejdušcyna Serbska zakładna šula „Michał Hórnik“ Worklecy</p> <p>Sabina Hejdušcyna je šulska nawodnica Serbskeje zakładneje šule „Michał Hórnik“ Worklecy. Borbora Bukowa je koordinatorka 2plus a rjadowniska wučerka za přichodny 1. lětnik na Serbskej zakładnej šuli Worklecy.</p>
<p>Šulske partnerstwo z pólskej šulu</p>	<p>Ludmila Donatowa Serbska zakładna šula „Jurij Chěžka“ Chrósćicy</p>
<p>Spěchowanje rěče zwonka wučby Předstaja so wšelakore móžnosće, kak so w Kulowje, skerje němskorěčnym měsće, serbska rěč žiwa zdžeržeć a z tym tež spěchować hodži. Při tym předstaja so wšelake wobłuki zwonka wučby kaž na přikład cyłodnjowske poskitki, kooperacija z hortom/pěstowarnju, zjawnostne džěłto/medije, šulske swjedženje, zhromadne džěłto z eksternymi institucijemi, kiž tole wuspěšnje podpěruja.</p>	<p>Edit Mrózec Zakładna šula „Krabat“ Kulow</p> <p>Edit Mrózec je wučerka na Zakładnej šuli „Krabat“ Kulow a wuwučuje w předmjetach serbsčina/rěč, katolska nabožina a němčina. Wona je druhe lěto w šulskej službje a budže wot šulskeho lěta 2023/24 jako koordinatorka za koncept 2plus na šuli skutkować.</p>